

序

陽武地名三代列國時均不可
放秦罷侯而尉置陽武縣屬三
川郡史記陳丞相世家云陳丞
相平者陽武戶牖鄉人也陽武
之名遂著於史傳自是之後他

邑名率代有沿革而陽武自秦
至

朝惟元省入延州餘皆相沿陽
武之有邑志按舊志創修於明
洪治癸丑時邑侯爲張林茂再
修於萬歷辛卯時邑侯爲王時

泰至

國朝順治己亥邑侯伍九官三修
之康熙庚午邑侯安如泰四修
之凡一邑之封域山川建置貢
賦政治風俗人物皆可按籍而
稽亦足以備一邑之文獻矣雖

然自庚午至今志之不修又歷
五十有六年矣按縣邑規制合
佐外僅設曹掾數輩供筐篋刀
筆之役非若古侯國有記言記
事之人編年紀月積久益多無
湮沒遺逸之慮是則一邑中廢

興沿革盛衰臧否之故所恃以
信今傳後垂諸无窮者惟志而
志未修之際所恃以觀記傳聞

發微闡幽者惟二三父老苟歷
時既久採擇无人老成彫謝則
一時之事有足爲志乘光者咸

與之俱逝由斯以言陽武未有
是志之先自元遡之於秦其間
之山川變更土田荒闢利弊興
革風俗移易人材茂出當不止
志中之所紀載者然也卽既有
邑志之後由今乾隆乙丑遡之

於明洪治癸丑三百餘年間邑
志皆闕數十年始一修凡志之
所備載者因信而可徵而中間

採訪無由典籍莫據遂至磨滅
不彰同腐草木者又不知凡幾
詎不重可惜耶此纂輯之不可

以再緩也邑侯德清談君雅擅
史才出

內廷教習來宰斯土年餘政通人和
奉

大憲文檄重輯邑志閱四月而
書成余讀之喜其書之簡而該

詳而確書數言載於簡端時

乾隆十年歲次乙丑夏五月朔

日知開封府事廣順朱繡撰

--	--	--	--	--	--	--

增修陽武縣志序

古諸侯之國地方百里皆得置

史官司紀述凡其政教踰令山

川景物舉存之籍故以祀證夏

以宋證殷孔子慨諸文獻而轉

宣子聘魯即謂周禮盡在以魯

有春秋故也但名史而不名志
迨越太史公至於班氏漢書乃
名曰志其天文地理食貨文藝
諸篇遂為後世纂修之祖而規
制一本史記則子長洵千古作
志之始也然議者猶曰史遷蒐

採於紀載飛灰之餘風神獨運
而疎宕處多嗚呼纂志詎易言
哉陽武古博浪地秦以前不可
考自易封建為郡縣而陽武以
名陽武之有志其所從來遠矣

我

國家定鼎以來邑侯安君於康熙
庚午歲脩詩成書迄今五十餘
年其書已有零落磨滅未可盡
悉者况後此之事蹟俱未增脩
陽之志上名存而已余自癸亥
承乏茲邑日惕冰淵懼弗克勝

奉 方伯趙公命增修邑志興
廢舉隆誠盛典也第事實必詢
之遺老載紀必求之典故今既
未可徵信矣若欲意為繁簡又
恐涉於誕妄必得本邑薦紳庠
彥出其高魯曾之信聞刪其繁補

其簡重繪一家言而後可於是
簿書之暇與孝廉楊君明經陳
君博士弟子負費生樊生等博
採風謠廣諮輿論始自康熙庚
午迄於今歲乙丑其間仕宦之
弁沉人物之盛衰建置之改常

易新豐歎之曰時補救一人訪
求而比櫛之以至孝義貞烈一
節勿遺文賦騷歌片長必載彼
此叅稽互相較讐凡三越月而
書成摠其卷一十有二列其目
五十有八爰授之梓以報

憲命雖未敢謂上擬班馬而一方之政教彌令山川景物庶乎藉是以傳不朽他日輶軒採風脩列於四庫中以黼黻我

朝一統之盛則此一志也未始非古侯國文獻之遺也是為序

晉

乾隆十年歲在旃蒙赤奮若季春
姑洗月知縣事西吳談謾曾題

增修陽武縣志序

昌云乎志也曰志識之識

孰往蹟昭以者列眉一展卷

而釐然在目也而予猶似

為不盡於此矣志設也而

也記曰心乎生志不以不實

皇

事功成國安終則志垂

稗益佐

敵而靖安位此我

松連誅公亟以篡修之不密

已也陽邑至分角九地地

黃流百里之角以出山

土田爲疆域此千百年以
來者也他如城郭都聚
戶口賦役此千百年有
年乎至於風俗之淳漓
文獻之盛衰士習之醇
疵皆千百年之有

老幼年而丁者乃至月異
而年不同者乃母而向者皆
子也即皆事之宜志也倘
不執而強修之則一邑之
事聽其湮沒其何以昭
崇信而示勸懲 公曰予

恭司茲土厥職維艱不敢
怠公孫子誼敢漫著志
余於是書以起例列目
抄綱正僻錯蒐教佚物
錄少年之得失瞭然如
指諸掌後之覽者得志

勵予局仰以事學志以教
以新風俗日以淳新舉
也贊之功回於吏治民望
者其大寧公第邑垂垂
光而也哉予以學學
五年於茲邑之文獻學

故猶留同貨概之得從若
化之後初一月之異一異日
者古史探風上之

家字公於此為不形之業為
予之與為業按之如之
必附於簡末

乾隆乙丑夏六月陽武縣儒
學教諭寧城郭大魚謹撰

陽武縣志跋

余不佞賤跡泉石硯田荒蕪
久矣日者

邑侯談公奉

憲檄纂輯邑志不以謗勞俾從
諸君子後効一得以佐鉛槧用

是惴々惧弗勝任竊惟縣々
有志猶國之有史即周官所
謂外史掌四方之志是也豈徒
資博洽託空言以誇多多而闢
靡乎蓋將繼往開來存真
去偽誌土地紀民人考以始々

得失以垂諸久遠也故其中
士習民風兵農錢穀禮樂刑
名以及水旱災祥之異草木鳥
獸之微無不纖悉臚列瞭如指
掌志之所闕大矣哉雖然備
志之難言矣家師左國人祖遷

固其上也。若夫強探洪纖則
失之誕，旁參稗野則近於褻。
更有以胡蘆依樣窠臼，未脫殼
出雷同調，希雲霧議論，雖識
者憾矣。詎非寸餒三長，情守獨
見者哉。今以侯之才，當之有餘。

裕者 侯識高學邃韓濟多
方當其來侯吾邑歲適大祲

民岌々無終日計 侯噢咻安

集而殍者以起流者以復刑

清訟簡釀為豐和舉他人

所竭蹶不能辨者 侯策逆

容理之是盡天下事無足以
雜 侯者而雜一志乎嘗鼎
者一嚙窺豹者一斑志 侯之
緒餘也寧第以志顯哉然志
既成旦夕上其書於
冊府而且以治行尤異膺

新達之知則人不以志顯者志反
以人而重矣如曰泰山土壤河
海細流予小子以探輯之故
不無少裨於高深是則青之
所不敢出云

乾隆十年歲次乙丑孟夏月 穀旦

歲貢生邑人陳步青謹跋

舊序

明王時泰 知縣

夫郡邑之有志猶國之有史家之有乘其來尙矣陽武舊有志纂修於嘉靖之初迄今六十年餘萬歷己丑夏六月余奉

仰來牧茲土下車之始卽索邑志以披閱之見其猥繁

錯亂畧無統紀而後亦靡載且時異政殊風易俗改

今昔迥然不類乃欲稽考多所未便卽有志修補第

奔走簿書兼迫以催科實有未遑迨庚寅冬學博王

君東魯以心水訥擢至遂以屬之偕弟子員賈生悌

等旁蒐博采遠稽近求刪繁祛冗逸者補之闕者續之其誦者正之分門析類提綱挈領而凡曰與地曰宮室曰食貨曰官師曰選舉曰人物曰王言曰藝文靡不悉纂而輯之是雖不足以稱一方之文獻然欲鑑往知昔亦足以備一時之稽考第成之於三閱月間而政遠言湮多莫有考竟不無遺漏尙有望於後之博雅君子而爲之續輯云

舊序

明 徐登瀛 教諭

陽武志纂修有年其起凡立例大都祖子長孟堅所列封域山川形勝貢賦猶史記漢書之有地理河渠溝洫食貨也所列人物名宦猶史記漢書之有世家年表列傳也凡志相沿莫之或易要以作志之意斷以定一邑之治而挽一邑之否則必叅一邑之大利病大興革整頓而維新之若幹前人之蠱以求其必濟於以傳示將來斯可不朽陽武地多沙礫曩以道里修廣派爲四十五保而貧保當三之二以至輪役

額僉櫃頭則賂賊受累殊不能堪因而捐瘠逃亾者
接踵所望更弦易轍者非一朝夕已當事數欲條畫
議併而旋議旋寢竟爲成格所拘歲癸亥邑侯曲逆
趙公來蒞茲土諸屬民便卽爲興屬民害卽爲革因
是僉呈併保爲懇切申請省併十七保上臺業令勒
之石刊之冊矣鄉紳耆民懼其湮沒也請載之志且
寧校率多頽毀公捐資創建者居半視前志位置殊
構東西易嚮均所不得仍其舊者公謂歷年已久其
間物態時事枯菴升沉滄桑陵谷與夫宜刪宜潤者

總彙而修輯之亦一盛事也屬命于予予聞作志者
必有如椽之筆半豹之窺于才學識之三長有攸據
焉乃能勝其任而愉快予何敢以坐井望洋之見觀
揚掩耳之愚擅竄雌黃妄出臆撰以幾大匠斲也惟
是併保改學屬公之大興革所以挽一邑之否定一
邑之治而爲振民育德之大窾係有如六五之幹蠱
而用譽者在是又非斤斤起凡立例剽援班馬之膚
已也故爲畧加剛飾以垂永于來禩云爾

舊序

明張天瑞侍講

維揚通州倅蕭君世昌一日過予手出一冊曰盛家世開封之陽武此則陽武志也疆域山川風俗人物悉此焉載雖歷年久而後先增補芟削者不一要之記事之書紛無定著且未有序其所以作者之意幸一言弁諸端予得而讀之疆域之遠近山川之形勢風俗之習尚人物之出處其一邑之大槩宛然在目昔人所以作爲此書其用心亦可謂勤矣顧其所載節孝二端則人倫之大尤有關於世教者至於附錄

五
之詩文之工拙所不暇及也序以歸之庶乎考一邑
之始末爲有稽焉

舊序

國朝 伍九官 知縣

子吳郡潛州人也布衣時於桑溪蘆岸磬烟漁火隈
結書舍舍數椽春秋風雨同二三友人檢閱廿史覽

山川圖圖所得中州崧行黃河峙峙然瀼瀼然 子壯

之異之史所稱傳浪沙留侯狙擊祖龍處暨陳孺子
割肉狙上張文侯好書律歷韋氏父子諸名卿故里
當時遇目各所畧過或忘焉適我

大清定鼎金臺十二年秋七月 子 緣明經科承乏陽武

邑令邑內艮隅舊有子房祠此則留侯使方士擊祖

龍處也取誌讀之如陳孺子既諸名卿巨公向所目
遇出處不及詳過或忘者欣然逢故邑迤南不數里
得黃河衝濤漩瀨沙噴雷吼鼉龍負土爭奇深湫頽
潰爲邑患數百年今殊甚予向所壯之異之今壯異

之且駭之怖之也去年春潭口寺建鎮龍菴其亦取
石犀厭勝之義乎嗟嗟邑誌水渰沒數數饑相食數
數讀之不忍出聲周禮書大傀異災莫甚於此予所

閱錢穀城社椿門草戶畚夫堰丁皆帶血膿汗痕盈

履城迤邐北牙里外石田數萬畝墳如坎如宿莽叢

棘極目風起則黃沙白艸狐兔出沒日暮欲哭又安
恐目覩之就問之也乎至於景物奇節異聞堪備顧
問垂法戒書搜羅亦職分內事子政拙所不暇及也
閣茂秋捧

撫軍大人檄

大人覽中州文獻皆係勝國舊編於近今事多缺畧
慨然有世遠言湮老成凋謝之慮遂有纂修誌書舉
俾各州縣官相厥事董厥成中州文獻數千年賴
撫軍大人垂不朽

撫軍大人垂不朽在是他日出柳篋備

顧問在是子持幣卑請

司寇郎錦帆趙先生秉筆

先生同張楊兩先生從事不逾月稿竣子籍手星馳

上之

撫軍大人大淵初夏復捧

撫軍大人檄誌序須用縣官姓名作爲前序方合體
式議前序爲跋故明後序刪之

撫軍大人成一書宜首首之宜尾尾之宜刪者刪之

其位置可謂詳且善矣但子識固螟螣出辭鄒健安
敢妄意續貂徒取

撫軍大人諸 大人與兼博薦紳先生擲厥者子牒

牒又不敢違 檄覆爲之遂粗述布衣時所目遇暨

蒞任所耳而目之者緝爲小言聊附會成書云

舊序

國朝安如泰 知縣

武介在河北去省僅百里許春秋時屬鄭所轄王
帛車書往來其地嘗無虛日已歷秦而稱博浪沙卽
其處焉漢始置縣名陽武迄今仍之風尙強勁以故
樂鬪擊武進雅慕詩書民風亦漸返醇樸因思土各
有宜物各有尙而其山川形勝人物藩封均各有不
一籍非縷舉悉陳則展卷幾無以辨所由 余輩足未
遍九州而盡天下之阨塞險要勝蹟名區一披覽而
瞭如指掌者是則志之功大矣今我

朝幅員最廣環四海之外而設府分官其囊括竝包號
稱極盛業

命儒臣纂修一統志會集各省全書茲奉

撫軍大人檄令闔屬自呈本志因特請寒灌張先生
秉筆而同邑盧郝堵王諸先生共勦厥事余藉手星

馳上之夫邑統於郡郡統於省省則其綱而郡則其
目邑又其支也按禹貢豫州之域爲天文角亢分野
之交而陽武一隅隸於開封其間之錢穀徵收地畝
等數固確有成規外此之土產風尚陵墓廟壇凡所

載紀諸遺蹟亦皆目覩其事身親其境始存之於帙
而誌之於書卽間有未釋必斟酌詳質於諸先生而
諸先生亦不我棄皆一一而切告之非敢據冊揣摩
以滋汶汶也然此不過彈丸區耳足易通而耳目易
經若夫博覽都會之形勢盡載全省之規模則又在
特識者之彙其成而撮其指必非僅此之謂也夫

舊序

國朝張慎爲邑人

邑有誌匪今斯今不知其所自昉也一修於明季洪治之癸丑再修於萬歷之辛卯距

大清定鼎之己亥歲垂七十年所其間城郭丘墟人民殊異郡縣輿圖分領併隸不常所治及邱夷淵實大賢哲人之凋枯弗登於紀記者不知凡幾矣

章皇帝銳意文獻愴念往牒詔十五國風纂修邑乘時比部趙錦帆需次里門余亦數綴家食共襄斯役迄今三十餘年幸掌故猶存典型未謝邑大夫捧

憲文檄所屬以誌上議者謂問途當於已經遂以屬
余先後兩受簡焉余以誌無編年法如春秋之謹嚴
次亦不得傳贊具備比於史家之詳贍不過充小史
採擇以實柱下之藏而已雖然誌亦與乎史體也無
凡例而有類史則銓次有條誌取其粗足記述焉爾
如山川土田疆域釐序事係封建巨典王公之所設
守名教之所隆重志之誠是也細而艸木禽魚謠俗
嗜好卽一建置一興築關梁津渠亦併及之莫不班
班可攷此亦史家無微不錄之意也不然彼舉門應

門不絕於詩詠息土耗土三男五女粲然於職右者

何謂也顧有事不審正援引稗乘家言辭多不典俗

乃有之矣或一意而初與終不相蒙體裁乖離篇幅

割綴皆所不免也邑之人非邦君卽先故不能奮筆

而書所不辟其失也缺去斯數失而綜理詳密字無

虛設賦乎大雅之觀洵戛戛乎難之余年友盧郝暨

司鐸孝廉諸公皆胸羅故實較然得失之林者相與

考覈是正之敢曰是余之責而不知所以裁之夫且

班史不獨成一人之手也故曰誌亦與乎史體也計

數閱月而告竣卷目若干縱不訖稱閱大庶終始前
人之篇至上充蘭臺比於陳風蓋有所羨云

舊序

國朝
趙賓
邑人


余年未壯數數以公車役走幽燕通籍日五斗甘泉
則又驅大行巔歷三晉而西至山川城池未嘗不訪
其名勝思從耆舊遊至元賢遺址則又流連徘徊不
忍去對一艸一木如將見其人焉而父老傳聞所不
盡者迷惘從守令假郡國誌讀之後已然他郡國率
建置于後代秦漢以上事多闕焉吾邑肇自秦易封
建爲郡縣日且博浪一擊斗大沙壤與天地竝傳每
閱邑乘一二名卿巨公外舊事古蹟頗覺寥寥固借

崩于黃流之崩潰亦緣掌故者之無人也。是以開卷尺許輒掩。去年來欲奮筆爲之，卒奪他務。邑父母伍明府善政宜民，鳴琴暇留心簡牒。戊戌秋白露晨流青桐，初籀明府捧

撫軍公祖檄過蔽風雨之廬，以是役見屬，乃開局給筆札。

撫軍戎務勞午屯政凌襍時雅慮中原文獻頻經兵火化爲子虛烏有，是數百里山川數千載人物遭逢知已也。隸在宇下，何敢辭措。撫勞遂與同年張子門

士楊生從事焉取舊誌之佚者補之繁者汰之俚野者潤色之無意義者削去之恨笥中簡帙不廣無從搜求逸事父老傳聞又無可佐穎喻者則仍借解于黃流之崩潰掌故之無人而已矣



開封府陽武縣爲通飭事乾隆九年九月初八日蒙
特簡開封府正堂軍功加一級紀錄三次記功十二次
未 牌乾隆九年八月二十三日蒙

特授河南等處承宣布政使司布政使加三級紀錄四
次趙 票累得郡臣之有誌猶國之有史史載一代
星野疆域祥瑞災異以及君臣紀傳中外載記誌亦
如之史卽誌之合誌卽史之分也豫省通誌於雍正
年間延請名儒考訂纂修刊刻成集固足以信今而
傳後但通誌爲一省之綱領其細微節末端賴邑乘

考載詳明查各府州縣誌書大率於康熙初年纂訂

之後類皆殘缺未經重輯此數十年來承平日久戶

口繁多教化日興風俗移易土田則有墾闢之殊疆

域則有改隸之異其人才疊見如授高科而登黃族

者不乏人節孝可風而義行堪傳者不乏人至備位

茲土某某治行卓越某某素餐貽譏其姓氏尚在人

耳目間及今博採輿論猶不失其真倘再因循日久

不思增輯後之人卽欲採擇而編載之苦於文獻無

徵則數十年之因革損益政績文章人物風土幾何

不湮沒無聞謂非守土之咎歟夫今日之收令額數

公費無多欲其聘延碩彥多人開館纂輯付之剞劂

誠力有所未逮然就一邑中紳士擇其品行端方素

有文名者一二人與之商確考訂照依舊誌條款逐

加增輯抄錄成書一申司府備查一付禮房收貯俾

後之人稽考有據可以踵事而纂修之其事簡而易

行其費約而不繁當亦諸君子所樂爲也合行通飭

爲此仰府官吏照牌事理即便轉飭所屬一體查照

辦理仍將作何修輯緣由先行具報事竣將所輯之

書抄錄送司查考毋視爲迂緩而致有高擱之舉毋
畏其繁難而等於道旁之築是本司所深望也毋違
速速等因到府蒙此擬合就行爲此牌仰該縣官吏
查照

憲牌事理一體查照辦理慎毋遲緩速速

右仰陽武縣准此

乾隆九年十二月

日

修志姓氏

纂修

內廷教習知陽武縣事紀錄二次記功十次記大功一次談誕會

校定

癸巳科舉人署陽武縣教諭記功一次郭大典

儒

學

訓

導

王寔起

分輯

丁酉科舉人候選知縣壬子科陝西同考試官楊仲震

歲

貢

生

陳步青

邑

庠

生

員費璿

增

廣

生

員樊宏宗

繕對

附

學

生

員費兆祥

附

學

生

員游履嵩

康

廨

生

員楊新

增

廣

生

員馬遵祖

附

學

生

員費考祥

附

學

生

員李應雨

廩

膳

生

員李師孔

附

學

生

員楊基

附

學

生

員李潤

附

學

生

員陳作謨

儒

童樊庚

督刻

禮

房李念孫

曹統廟

武縣志凡例

一舊志卷分惟八今增十二而分門別類一遵前規
蓋事有多寡非類有異同也

一人物志舊無忠烈今爲補入使浩然之氣争光日
月景仰前徽昭垂奕禩

一城池學校舊志祇書修建月日而鮮碑文今皆採
入使知一事有一事之顛末前人之意庶如揭矣
一河防爲本邑要務衝決不時今查各臣奏疏有關
利害者節錄一二以備攷訂

一孝義爲人生大節必蓋棺論定始行纂入現存者
卽聲稱籍甚不便列載

一節孝必經

題請始定不然亦必與例有合然有年稍未符而現存
待旌者今亦編採以示後人風化攸關宜加鼓勵
非濫也

一邑志纂修有年舊序甚賧旣難備載又不忍割棄
特以小字密書附於新序之後庶不沒古人一片


苦心

文廟爲根本之地先賢往哲從祀日增樂章禮器
有加無已今一一開載學校禮樂二志俾後人有
所考據

一舊志每類以小引領起或有數事摠一引者今各
附數言于簡末竊效一得云爾

一舊志終於康熙庚午歲迄今五十四載老成凋謝
典籍僅存纂修採訪不無遺漏後之覽者尙其諒
之

右凡例十條



陽武縣志目錄

禮集

一卷

輿圖志

沿革志

天文志

疆域志

二卷

建置志

城池
學校

樂集

三卷

建置志

河防

街巷

鄉村

市集

坊表

四卷

建置志

宮室

橋梁

倉庫

禮樂志

祀典

拜牌

拜詔

賓興

鄉飲

鄉約

射集

五卷

山川志

古蹟志

風俗志

土產志

六卷

祠祀志

壇壝

神祇祠

聖賢祠

寺觀

陵墓

御集

七卷

田賦志

八卷

職官志

書集

九卷

人物志

事功

薦舉

進士

舉人

貢士

武科

武職

例監

才掾

馳恩

流寓

十卷

人物志

忠烈

孝行

義行

列女

隱逸 方技

叢集

十一卷

藝文志

王言 傳 記 序

贊 文 疏引 賦

詩歌

十二卷

災祥志